

Das u Capitel
Von geding vnd von le-
hens gewere wie mā die
gewere gezeügen mag.
Das u Capitel.

Zweyen manne mag der here ein güt leyhen. also das eyner die gewere daran hab vñ der ander das geding. ob der on lehen erben stirbt der das güt in geweren hat an dem geding ist kein volg nit. es sey dann das der her stirbt in einem jar als das güt los gestorben was. infra c. lviij. in ter. laßt es auch yener der es in geweren hat das geding ist gebrochen es ensey dan das er es wider empfahe der es gelassen hatt vnd daran ersterb. wer also das güt in geweren hat der mag es gezeügen mit alle des heren mannen das seine lehen sey dye es fürwar wissen ob er sein bedarffe der das geding hat der muß es bezeugen mit den dies sahen vñ horten dz es im gelyhe sey durch das das er der gewer darbet.

Glosa.

Nach dem male vor hie gesprochen ist ein yeglich daz ein mā seine heren pflichtig ist zu dienen vñ lehenrecht zu pflegen. nun wil er hie entscheyden warum vnd wanon er im zu recht dienen soll vnd spricht von güt. das solt jr wissen das solich güt an vns kompt dauon wir dienen müssen. vnd das ist accidentaliter. wan durch seines dienstes willen ist im das güt worden vnd daz ist zufellig. vnd zweyen manne mag der her güt leyhen. Ir solt wissen das ist also zeuerneme ob ein her güt lyhe vñ das güt dem mann beweyset wurde von dem here vnd der man das güt brecht in seine gewer in nuzze vñ in gelt der hat ein recht gewer an de güt

Capitel
als es besizet mitt rechter besizung jar vnd tage als das recht ist on aller ley ansprach. ¶ **Nota** so er spricht in den text mit allen des heren manne auch mit andern vnbescholten leuten infra. c. xxxviij. in fine. **Iste** est vnus in intellectus vel intelligentie sine suppleti one mit alle des heren mannen das es sein lehen sey id est. das er belehent ist. et ille est secundus intellectus. ¶ **Nota** wolt jr wissen wie eich das güt in geweren kompt darbey so mügent jr wissen wie man ein rechte gewere eynes güttes er kriegt müg. dieyerley kompt güt zu vns darüb so haben wir auch dieyerley gewere. **Zeit** waders es kömet zu vns von mageschafft od von vnserm vater. als ob mein vatter ein lehen güt het von meinem heren dar von er sein man ist vnd hett das mein vater empfangen in rechter manschafft von meinem heren. sturb mein vater nun er bet er die gewer der gütter auff mich. vt. ff. de regu. iur. l. heredem. et. ff. de vsu cap. l. possessio. Zum andern mal kommet dye gewere des güttes an mich von fremden leuten das ist zeuernemen nach lehen rechte nach gedings recht also ob einer eins güt geweren het vñ on lehen erben sturb dem nun das gedinge an dem güt gelihen wäre auff den stirbt nun das güt. wan vor was es sein geding. ab er nun ist es sein lehen. vt infra. c. iij. vel r. **Etlich** leit sagen ic. von den so spricht er auch hie so er spricht. zweien mānen mag der her ein güt leyhen. **Nota** kauft aber einer güt wider das reich oder wider die künigin od wider den künig. dyz verweret man all zehande vt insti. de vsu capio. §. edicto. Zu de dritten mal kompt auch güt an vns das wir selber er kriegen von wilder wurzeln. das heysset dann ein eyger gütte. also das einer von der rauher